



**Republika e Kosovës**  
**Republika Kosova – Republic of Kosovo**

**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**

**OSHP: 2024/0460**

**Data e Vendimit: 31.05.2024**

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, , si dhe nenit 17 paragrafi 6 i Rregullores së punës së OSHP-së nr. 01/2020, pas shqyrtimit të ankesës së Operatorit Ekonomik OE “CONSTRUMAX” SH.P.K. kundër njoftimit për kontratë ose me dokumentet e tenderit lidhur me aktivitetin e prokurimit “97 Ndërtimi i nënkalimit për vetura në rrugën Agim Ramadani” me numër të prokurimit 616-24-3786-5-1-1, inicuar nga autoriteti kontraktues (AK) – Komuna e Prishtinës, ud Kryesuesi i Organit Shqyrtues të Prokurimit me datën: 31.05.2024, mori këtë:

**VENDIM**

- I. Hedhet si e palejuar**, ankesa e OE “CONSTRUMAX” SH.P.K. me nr. të protokollit 2024/0460, e datës 29/05/2024, ankesë kjo e parashtruar për aktivitetin e prokurimit “97 Ndërtimi i nënkalimit për vetura në rrugën Agim Ramadani” , me numër të prokurimit 616-24-3786-5-1-1, inicuar nga autoriteti kontraktues (AK) –Komuna e Prishtinës.
- II. I lejohet**, autoritetit kontraktues që të vazhdojë më tutje me aktivitetin e prokurimit “97 Ndërtimi i nënkalimit për vetura në rrugën Agim Ramadani” me numër të prokurimit 616-24-3786-5-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.
- III.** Në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë

kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë në Buxhetin e Republikës së Kosovës.

### Arsyetim

#### *-Faktet dhe rrethanat procedurale-*

Në sistemin elektronik ankesa është paraqitur me datë 29.05.2024, lidhur me aktivitetin e prokurimit me titull: “97 Ndërtimi i nënkalimit për vetura në rrugën Agim Ramadani” me numër të prokurimit 616-24-3786-5-1-1, iniciuar nga Komuna e Prishtinës, në cilësinë e Autoriteti Kontraktues.

Me 19.04.2024, Komuna e Prishtinës në cilësinë e Autoritetit Kontraktues ka publikuar B05-Njoftimin për kontratë, ku sipas këtij njoftimi afati i fundit për dorëzimin e ofertave ka qenë data: 15.05.2024.

Me 14.05.2024, Komuna e Prishtinës në cilësinë e Autoritetit Kontraktues ka publikuar B54 Formulari standard për korrigjimin e gabimeve në njoftimet e publikuara ku sipas këtij njoftimi afati i fundit për dorëzimin e ofertave ka qenë data: 24.05.2024.

OE “CONSTRUMAX” SH.P.K. me 16.05.2024 ne ora 21:15 OE ka parashtruar kërkesën për rishqyrtim pranë AK-së. Ndërsa me datë 20.05.2024 AK e ka refuzuar si të pa bazuar kërkesën për rishqyrtim.

#### *- Vlerësimi dhe administrimi i provave –*

Nga provat e prezantuara vërtetohet se për aktivitetin e prokurimit “97 Ndërtimi i nënkalimit për vetura në rrugën Agim Ramadani” me numër të prokurimit 616-24-3786-5-1-1, iniciuar nga Komuna e Prishtinës” njoftimi për kontratë është publikuar në sistemin e-prokurimi me datë 19.04.2024, afati i fundit për praninë të tenderëve ishte data 15.05.2024. Ndërsa me datë 16.05.2024 OE “CONSTRUMAX” SH.P.K. kishte dërguar një parashtrësë pranë AK-së. Autoriteti Kontraktues me datën 20.05.2024 AK e ka refuzuar si të pa bazuar kërkesën për rishqyrtim të OE ankues.

Ankuesi ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtrë kërkesë për rishqyrtim në AK dhe vetëm pas udhëheqjes së procedurave paraprake në AK, Operatori Ekonomik në pajtim me nenin 109 të LPP-se do të mund të drejtohet me ankese OSHP-se. Neni 108/A paragrafi 3.1 i LPP-se përcakton se operatori ekonomik ankues kërkesën për shqyrtim duhet të dorëzojë tek autoriteti përkatës kontraktues: “..ne qofte se shkelja e supozuar ka të bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave. Po ashtu, edhe neni 60.1 pika a) në Rregulloren 001/2022 për Prokurim Publik përcakton se: Kurdo që kërkesa për

rishqyrtim ka te beje me njoftimin e kontratës ose me dokumentet e tenderit se paku pese (5) dite para afatit te fundit për dorëzim te ofertave. Në kalkulim të afateve kohore dita e dorëzimit te ofertave është dita (0). **Ky afat nuk aplikohet ne rastet kur AK bën zgjatje të afatit te fundit për dorëzimin e ofertave pas vendimit për refuzim te kërkesës për rishqyrtim sipas nenit 63.1.1 te kësaj rregulloreje...**". Andaj nga provat e prezantuara dhe rrjedha e këtij aktiviteti te prokurimit konstatohet se ankesa e parashtruar ne Organin Shqyrtues të Prokurimit me date 29/05/2024 nga OE "CONSTRUMAX" SH.P.K. për aktivitetin e prokurimit me titull: "97 Ndërtimi i nënkalimit për vetura në rrugën Agim Ramadani" me numër të prokurimit 616-24-3786-5-1-1, iniciuar nga Komuna e Prishtinës hedhet e palejuar sepse e njëjta nuk është parashtruar ne pajtim me nenin 108/A te LPP-se si dhe nenin 60 par. I te Rregullores për Prokurim Publik. Po ashtu referuar interpretimit te KRPP-se te datës 07.11.2023, nr. 630/2023, i cili interpretim sqaron afatet ligjore për ankimim, konstatojmë se kjo ankesa hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit te Autoritetit Kontraktues.

Megjithatë Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së. Si përfundim kjo ankesë është në kundërshtim me nenin 108/A, 109 dhe të Ligjit për Prokurim Publik, dhe nenin 60 të Rregullores 001/2022 për Prokurim Publik, dhe si e tillë hedhet si e pa lejuar dhe nuk hynë në shqyrtim nga OSHP. Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kritereve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen vetëm në kriteret e nevojshme për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues nuk duhet që të përfshijë, saktësojë ose përdorë kritere të përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji. Andaj Paneli Shqyrtues i vë në dijeni AK se në çdo aktivitet duhet të veprojnë kofom dispozitave dhe autorizimeve ligjore siç parashihen ato me nenet 1,6,7, 27,28,51,59,60, 69 të LPP.

Autoritetit kontraktues – Komuna e Prishtinës, mund të vazhdojë më tutje me aktivitetin e prokurimit "97 Ndërtimi i nënkalimit për vetura në rrugën Agim Ramadani" me numër të prokurimit 616-24-3786-5-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Duke qene se OE ankues me rastin e parashtrimit te ankesës ka paguar tarifë, e njëjta konform nenit 31, par 4 te Rregullores se Punës se OSHP-se, i kthehet OE ankues. I njëjti obligohet qe

kërkesën për kthim të mjeteve ta parashtroje brenda gjashtëdhjetë (60) ditëve sipas nenit 31 par 6 te rregullores se cituar me larte.

Zv. Kryesuesi i Sekretariatit të OSHP-së, duke u bazuar në atë që u tha si më lartë, vendosi si në dispozitiv të këtij vendimi.

**Këshillë juridike:**

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.

**Vendimi t'i dorëzohet:**

- AK – “Komuna e Prishtinës”
- OE - “CONSTRUMAX” SH.P.K.
- Arkivës së OSHP-së:

Agim SHEQIRI  
Ud. Kryesues i Sekretariatit të OSHP-së

